

Beneficia Vetera Et Nova, Divæ Virginis Dittelbacensis

Sang, Eucharius

Wirceburgi, 1607

Capvt XXV. Religiosus Franciscanæ familiæ persanatur, cuius periculose
intumuerat venter, & induruerat, vt ingentes dolores sustineret.

[urn:nbn:de:hbz:466:1-64129](#)

aduersa valetudo sit impedimento, rei diuinæ ac pietati vacaturam: Fidem ne fallas datam, diligenter caue. Ad sis bonæ menti, ô DEI Mater; nec nos, nisi benedixeris, dimitte; plena es gratiarum, plena rore cœlesti.

CAPVT XXV.

Religiosus Franciscanæ familiæ persanatur, cuius periculosè intumuerat venter, & induruerat, vt ingentes dolores sustineret.

FDiæcesi hac nostra Wirceburgensi parum per migremus in Bambergensem, vt in ea quoque notemus. DEI parentis beneficentiam in ægros collatam; & quidem in Collegij Germanici Alumnum. Pius & benevolus Lector, facile, spero, veniam mihi dabit, si quid pro meo singulari in illud charum & dulce quondam Domicilium affectu, strictim tamen, hic de eo attigero.

Gregorius, XIII. Pontifex Maximus, & communis Pastor Ecclesiæ memoria dignus æterna, ad culmen Pontificiæ dignitatis enectus, nil antiquius, nil prius habuit, quam ut omnium curare posset salutem; accorum in primis qui in Germania,

nia, ab Ecclesia Catholica eiusque Pastoribus facta discessione, miserè in errores prolapſi eſſent inextricabiles. Quocircà ſumptibus maximis, in Vrbe, pro Germana Iuuentute, erexit Collegium, vnicè deſiderans, vt in eodem ſcientia literarum, probisque moribus inſtructi quām plurimi, in patriam remitterentur, non armis, ſed literis & Religione dimicaturi aduersus impietatem. Haud diu poſt ereditio- nem, cùm ad illud, ex omnibus pænè Germaniæ prouincijs, Iuuenum fieret concursus, locum etiam accepit in eodem Michaël Anisius, Saxo natione. qui breui, dum inibi, Sanctissimi Pontificis munificentia & liberalitate, vixit, eos fecit progressus, vt inter florentes annumeratus ſit Colonias (bis illud quotannis, Vere nouo, & Autumno fieri ſolet) quæ in Germaniam, curandæ aliorum ſalutis cauſſa, tunc mittebantur. Reuersus in patriam, vbi aduer- tit, mundi dolis & fraudibus facilè accidere poſſe, vt aliorum ſaluti inuigilans, ſuam periculo expo- nat; ob mille laqueos & pedicas Dæmonis; conſili- um capit datum à Numine, planèque conſtituit, & lubricum fallacemque mundum defere, & Reli- giosum vitæ genus amplecti. Cum autem ſibi, præ- ceteris Religiosorum familijs, D. Francisci place- ret, in eam admitti rogauit, ſuique voti factus eſt compos. Probè interim memor, ſe altum in Colle- gio Vrbis, & orbis nobilissimo, vt Germanos ciues ſuos, à fide aberrates Catholica, ad ſaniorē mentem reduceret, & peccatorū cæno inhærētes ad meliorē vitæ frugem reuocaret; Concionandi munus à Su-

perioribus delatum suscipit lubens Bambergæ, & obit cum laude fructuque multorum. Excipit etiam pœnitentium confessiones, magna animorum sanandorum cupidine; nihilque omittit, quod Medicis officium spiritualis requirat. Utinam virtutem huius, iuuandiique alios ardorem, Collegij Germanici Alumni vniuersitatem mulcentur.

Inter haec autem periculoso ille morbo corripitur, intumescit venter eius & indurescit, sustinetque acres dolores. Vocatur & dimittitur Medicus, nihil proficiens. In Numinе itaque fiduciam ponit, minimè licet refugiens mortem, si Diuinæ ita visum sit voluntati. Confugit etiam ad D. Virginem, quam sibi patronam in periculis, & in omni vita cursu delegerat, orans & voto adiecto supplicans: si saluti expediatur animæ suæ, & aliorum commodis, ut ad pristinam redeat valetudinem; se doni accepti immemorem fore nunquam, quinimò in sacro Dettelbacensi Sacello beneficentia istius fore præconem. DEV S & Diua audiunt preces, votisque annunt. valetudinem ille recipit, & mox consueta quoque munia & officia pietatis, obægritudinem aliquamdiu intermissa, resumit. Sanus iam & in columis, venit Dettelbachium, rem diuinam peragit; & valetudinem sibi à DEO ciusque Parente redditam, sequenti carmine, Anno M. D. XCVI. Wirceburgi impreſſo, testificatur.

Quas

 *Vas tibi Virgo Parens grates, quas debo laudes,
 Unica post summum spes mea Virgo D E V M?
 Aeger, & extremo vita quasi fine laborans,
 Vifus eram medica non reparandus ope.
 Sic ego: Dissolui cupio, non esse superstes;
 Nil minus arbitrio cedat utrumque D E I.
 Suscepit isque piam votis implorè M A R I A M,
 Hac spondens gratia mentis in Aede preces.
 Ecce tumens illa mollescit venter ab hora,
 Qui, distenta velut tympana, durus erat.
 Vitales redeunt succi, stomachumq; renatum
 Quarta videt tandem Luna tenere cibos.
 Debitor ergo, sacri mysteria magna tremendi
 Hoc peragens, solui ter celebrata, loco.
 Qui dolor Hareticis; haud nomine Virginis huius
 Desinit Omnipotens edere mira D E V S.
 Diua tuo Mater qua munere vita retenta
 Est mihi, decurrat munere pura tuo.
 Me q; tuos inter minimum Patrona clientes,
 Cor tenamque meum diligit, esse velis.*

CAPVT XXVI.

Claudicatio in virgine curatur.

 *Vrum plerumque telum, liberis ne cdum
 adultis, immatura morte si parentes crip-
 atur. Siquidem recta educatione non rarò*